

Wárágà Pétèró dré tisìle dhi ni àlo

Wárágà kònìdhi ni tà àndu ngìle drìdrì dhi

Kònìdhi wárágà Pétèró dré tisìle dhi ni àlo 'i. Akódhi nda tá àpóstolò ki àlo 'i, ìndì Èkèlézyà ni drì kobhá kàdrì dhi ki àlo 'i. Adré wárágà kònìdhi ni tisì mónnyá Giká àdhya ayíbhá bvò twátwa i 'ásè dhi i dré (1:1). Adré tisìá kitswázó àyi ki timbà àyi ki tà ka'ika'ì na dhi bvó. Tàko ko, à adré tá àyi ki mǐ pfo, adrézó kizà fe àyi dré Krísto ni tà sè. Di wárágà kònìdhi léna dhi, Pétèró adré Rúbí Tani ni tà 'o agalé àyi léna, adrézó tadhá dhi, Yésu ni ngàma dràdrà 'ásè dhi adré àyi ki 'o adrélé mǐ bha Giká véna (1:3-5). Adré kpà tadhá dhi, kizà ì dré adrélé nyàle nda adré àyi ki tà ka'ika'ì tabhì, adrézó àyi ki 'o kitswálé títi, ì kòkisúró rúku, mǐlanzìlanzì, lindrì be kítú Yésu Krísto dré dra apfòzo dhi tú (1:6-9). Adré kpà tàá dhi, Krísto ni kizà nyàma ni tà sè dhi, lè ì kàdré kókpà tà kisù akódhi àdhya tíni, adrézó gànzi ró adrélé kizà nya akódhi àdhya tíni. Tàko ko, dhya ángùdhi kizà nyàlepi rúbhá na dhi tayí tàkonzì 'òma dre (4:1-6). Pétèró adré kpà tàá dhi, ì kàdré kizà nya Krísto ni tà sè dhi, lè ì kàdré lenzélé adrézó Giká ni rú bha kùle tà nda sè. Tàko ko, Giká ni Tírì mǐlanzìlanzì ro dhi adré adrélé àyi léna (4:12-19).

*Tà kàdrìkàdrì wárágà kònìdhi léna dhi ki
atìma*

- 1) Pétèró ni mòdo fèma (1:1-2)
- 2) Móndeí ki tídrima (1:3-12)
- 3) Adrema lólo tà tíí dhi ki 'òma sè dhi (1:13-2:10)
- 4) Atsima dóro dhi, ìndì kizà nyàma (2:11-4:19)
- 5) Bhàgo ki tà kàdhúra íbe dhi (5:1-11)
- 6) Mòdo kùdù (5:12-14)

Pétèró ni mòdo fèma

¹ Ma, Pétèró, Yésu Krísto ni àpóstolò, má adré wárágà kònìdhi ni tisì àmi, móndyá Gìká dré zìle, ayíbhá ngóro móndí twá i ró bvò Pótò àdhya 'ásè, Gàlàtíyà àdhya 'ásè, Kàpàdòkíyà àdhya 'ásè, Asíyà àdhya 'ásè, ìndì Bìtìníyà àdhya 'ásè dhi i dré.

² Gìká Atá nda zì àmi ngóro í dré tá kisùle 'òle kíno lésè dhi tíni, àmi ki bhàzo twá adréle móndyá lólo ína i ró Tírí Lólo ni rìnyí sè, mì kòka'író Yésu Krísto ni kúlí 'òle, àmi ki tayízó dré temvéle áyi kàrí sè.

Gìká kòbhà áyi togó tani àmi rú, tà kèdríkèdri fèzo gàle àmi léna bí!

Ama ki tídrima, ìndì àma ki mì bhàma Gìká véna dhi

³ Rúku kàdré Gìká, àma ki Mírì Yésu Krísto ni Atá dré! Akódhi ni togó dóro lavulé dhi sè dhi, ti àma tódhyá lídrì tídhí ro dhi ni afèzo àma dré, Yésu Krísto ni ngàma dràdrà 'ásè dhi sè. 'O kònìni, mà kàdréro mì bha í véna lovó sè,

⁴ adrézó tà í dré lazíle àma dré tàyíle ro, í dré zùle bhù na dhi ni letè. Tà lazíle tàyíle ro nda

kitswá ñwàlè bwà ko, kitswá atsálé ndí ró bwà ko, ìndì lagulagu ni kitswá kpà akílè bwà ko.

⁵ Dì àmi kì tà ka'ika'ì sè dhi, Giká adrè àmi kì líkí áyi rinyí sè, tsàlè lókyá mì dré dra lídrì kóná vèsè kólyá dhi ni kisúzó dhi 'á. Giká gànzi ró lídrì nda ni tadhá lókyá kùdù sè.

⁶ Tà nda kòdhi ì sè dhi, mì adrè lenzélé lavúlé, tágba kòkitswá mì dré adrézó kizà nya tà twátwa adrèbhá àmi kì tabhì dhi ì sè lókyá tsà sè yà dhi.

⁷ Tà nda ì atsá àmi rú kònìni kitswálé àmi kì tà ka'ika'ì tabhì, ngóró à dré adrélé óró tabhì àtsí sè dhi tìni. Giká m̀lèsè dhi, àmi kì tà ka'ika'ì nda lavú óró, ngá adrélépi akílè tágba tabhìzoá àtsí sè dhi byá. Dì à kòtabhì àmi kì tà ka'ika'ì nda gò ka'izoá dre dhi, mì ni rúku kisú m̀lanzìlanzì íbe ìndì lindrì be kítú Yésu Krísto dré dra apfòzo dhi tú.

⁸ Tágba mì dré akódhi nda ni nòzo rè m̀ sè ko dhi, mì adrè akódhi ni le. Gba mì dré adrézó akódhi ni no nyànomvá ko dhi, mì adrè akódhi ni ka'ì gò, mì dré adrézó lenzélé lavúlé, kólénzé m̀lanzìlanzì ro kitswázó tà ni ni ta bwà ko dhi sè.

⁹ Tàko ko, mì adrè tà mì dré Yésu Krísto ni ka'izo ásà dhi ni kisú. Tà nda, àmi kì tidrima 'ì.

¹⁰ Kàdré tà adrézó móndí kì tidrí nda ni tà sè dhi, pròfétà atú dhi ì ndà tá tà nda ni àndu nìle kyá gò, ì dré tà tani Giká dré lèlè fèlè àmi dré áyi togó tani sè dhi ni tà longózó.

¹¹ Tàko ko, Krísto ni Tírí àyi léna dhi adrè tá tadhá àyi dré dhi, Krísto ni kizà nya gò, m̀lanzìlanzì kisúzó àmvolásà. Ásà dhi, ì adrè tá

lókya tá nda dré kitswázó ru 'o dhi ni nda ñle, túmání tà kitswábhá atsálé drìdrì tà nda ni tadhá dhi íbe.

¹² Di Gíká tadhá tá pròfétà nda i dré dhi, tà ì dré tá adrélé longolé nda ì kitswá adrélé àyi dré ko. Be ró dhi, ì adré tá tà nda ki longó àmi dré. Di nyànomvá dhi, mì yi tà nda i dhya Rúbí Tani longóbhá àmi dré Tirí Lólo amùle bhù lésè dhi ni rinyí sè dhi i tí dre. Ndìndì ángeló i lovó íbe tò kitswázó tà nda ki ni.

Adrema lólo tà títi mà dré adrélé 'òle dhi i sè dhi

¹³ Di ásà dhi, mì kàdré tàmgà dri, adrélé àmi ki tà kisùle dhi ki likí. Mì kàdré mì bha Gíká véna, tà tani mì dré dra kisulé akódhi ni togó tani sè lókya Yésu Krísto dré dra apfòzo dhi tú dhi ni tà sè.

¹⁴ Àmi, Gíká ni ànzi i, mì kàdré akódhi ni kúlí ka'í 'òle. Mì kògò adrélé tatsilé lovó kònze ki 'obe, ngóro mì dré tá adrélé 'òle mì dré tà nìrà ko dhi 'á dhi tíni ko.

¹⁵ Di, ngóro Gíká àmi ki azilépi dhi dré adrélé lólo dhi tíni dhi, mì kàdré kókpa lólo tà títi mì dré adrélé 'òle dhi i sè.

¹⁶ Tàko ko, Gíká ni Kúlí adré tàá dhi: «Mì kàdré lólo. Angya ko, áma tàndi, ma lólo.»*

¹⁷ Mì nì tàle dhi, Gíká mì dré adrélé zìle àmi ki Atá ro dhi, adré móndí àlo àlo títi dhi ki tàbvò ta ngóro àyi ki tà 'òle dhi ì dré adrélé dhi tíni dhi be. Adré àyi ki no twátwa ko. Di mì dré adrerà'a bvò kòndhi dri kùmú i tíni dhi 'á dhi, mì kàdré tà 'o akódhi ni ròma sè.

* **1:16** 1:16 A kònò Lèvìtikè 19:2.

18 Tàko ko, m̀ni n̄ l̀agí Giká dré àmi ki g̀izo láti t̀ako àmi ki tábhí ì dré tá lebèle dhi lésè dhi ángopí ya dhi be. L̀agí nda tá ngá adrélépi n̄wàle n̄wan̄wà ngóro àrezá t̀ini yà, kó ngalè óro t̀ini yà dhi 'i ko.

19 Be ró dhi, Giká gi àmi Krísto ni k̀arí l̀agí kyàkyà dhi sè. Akódhi nda tá k̀abiligyà mvá tà k̀onzi àko ìndì ndì àko í rú dhi 'i.

20 Giká zì tá akódhi dr̀dr̀i bvò ni bhàma kandrá gò, akódhi ni 'òzo apfòle lókyá kùdù k̀onidhi sè àmi k̀i tà sè.

21 Dì akódhi nda sè dhi, m̀ni adré Giká ni ka'í. Giká tingá akódhi dr̀dr̀a lésè gò, akódhi ni m̀i bhàzo lanzile, m̀ni k̀adréro àmi ki tà ka'ika'í bha Giká léna, adrézó m̀i bha akódhi véna.

22 Nyànómvá dhi, m̀ni temvé àmi m̀ni dré tà bàti ka'ile 'òle dhi sè dre, m̀ni k̀adréro àmi ki adrúpi k̀i le togó wáyi sè. Adré di leá dhi, m̀ni k̀adré ru le àmi k̀ofalésè togó lólo àtsi ró dhi sè.

23 Tàko ko, à gò àmi ki ti tódhyá dre. Dì, lídr̀i tídhí m̀ni dré kisúlé nda angá móndí k̀i k̀orì adrélépi n̄wàle n̄wan̄wà dhi lésè ko. Be ró dhi, angá ína k̀orì kitswálépi n̄wàle bwà ko dhi lésè. Bàti, à ti àmi Giká ni k̀ulí lídr̀i ro, adrélépi k̀oná vésè kólyá dhi sè.

24 Tàko ko, ngóro Giká ni K̀ulí dré adrélé tàle dhi t̀ini:

«Móndyá títi dhi ì ngóro mb̀i t̀ini.

Ayi k̀i rúku kpà ngóro mb̀i pfò kya t̀ini.

Mb̀i adré 'yòle gò, pfò ni dré adrézó z̀ile.

25 Dì, M̀irì ni k̀ulí adré ína adrélé k̀oná vésè kólyá.»†

† 1:25 1:25 A k̀onò Esáyà 40:6-8.

Kúlí nda kòdhi Rúbí Tani longólé àmi dré dhi 'i.

2

¹ Di ásà dhi, mì kòtingá àmi rúsè tà kònzi ki kára tíí dhi i, kinzò tíí dhi i, túrúpfú tà, lovó kònzi bhàma móndí i rú dhi, ìndì móndí ki rú tàma kònzi dhi.

² Ngóro ànzi kùrí i tíni dhi, mì kàdré bàsú tàndi Tírí Lólo àdhya ni le mvùle kòdhya, mì kàdréro mbàle àmi ki lídrì tídhí ro dhi na.

³ Tàko ko, mì tabhì Mírì dre gò, mì dré atógyàzoá dhi, akódhi dóro lavulé.

Kírà lídrì ro dhi ìndì móndyá Giká dré zìle dhi i

⁴ Mì kàdré àmi ki kisí ànyi Mírì Yésu làga. Akódhi nda kírà lídrì ro móndí ì dré gàle gàgà, di Giká dré ína kípèle adrélé làgi ró í mìlèsè dhi 'i.

⁵ Àmi adrèbhá kókpà ngóro kírà lídrì ro dhi i tíni ni i, mì kòtayí àmi Giká dré tobhàle atsálé dzó Tírí Lólo àdhya ró, mì kàdréro kòwánà lólo i ró, adrélé mòbòmà Tírí àdhya kitswábhá Giká mìlèsè dhi ki fe akódhi dré Yésu Krísto sè.

⁶ Tàko ko, Giká ni Kúlí adrè tàá dhi:

«Mì nò rè ká! Má ni kírà bha Sìyónà na.

Kírà nda kírà làgí kyàkyà má dré kípèle adrélé kírà agógó dzó ni pá bhàzo driá dhi ró dhi 'i.

Dhya ángudhi adrélépi kírà nda ni ka'í dhi, kitswá tàdzí adrélé kanyò ro ko.»*

* 2:6 2:6 A kònò Esáyà 28:16.

⁷ Ami adrébhá akódhi ni ka'í dhi i dré dhi, kírà nda kírà làgí kyàkyà dhi 'i. Di, móndyá akódhi ni ka'ibhá ko dhi i dré dhi:

«Kírà dzó sibhá ì dré gàle gàgà dhi, gò atsálé kírà agógó dzó nda dré adrézó áyi totó d'riá dhi ró.»[†]

⁸ Gĩká ni Kulí adré kpà tàá dhi:

«Kírà nda kírà adrélépi móndí ki tokpó dhi 'i, ìndì kírà adrélépi móndí ki 'o ledhélé dhi 'i.»[‡]
 Ayi nda ì adré ledhélé, ì dré adrélé Gĩká ni kulí ga 'òle dhi sè. Tàko ko, Gĩká bhà tá àyi adrélé tà 'o kònìni.

⁹ Di, àmi ró dhi, àmi móndyá Gĩká dré zìle adrélé sùrú ìna ró dhi 'i. Ami kpà kòwánà Opí àdhya 'i, sùrú lólo dhi 'i, ìndì móndyá Gĩká ni tàndì àdhya 'i, mì kàdréro tà kàdrìkàdrì dré 'òle dhi kì longó móndí ì dré be dhi bvó. Tàko ko, akódhi azí àmi apfòle tìnìmvá lésè, afflé áyi ngádra lín'drìga ró dhi 'á dhi nì.

¹⁰ Wáláká dhi, àmi tá móndyá Gĩká àdhya 'i ko. Di, nyànomvá dhi, àmi móndyá Gĩká àdhya 'i bàti. Wáláká dhi, à bhà tá àmi kì kizà ko. Di, nyànomvá dhi, Gĩká bhà àmi kì kizà dre.

¹¹ Ama arúpi má dré lèle tò nì i, àmi ngóro móndí twá adrébhá bvò àyikya ró dhi àko dhi ì tìni. Má adré di àmi kì kodzó, mì kàdréro àmi kì líkí lovó kònzi àmi kì rúbhá kya adrébhá ru pfu àmi íbe dhi kì tà sè.

¹² Mì kàdré kpà atsilé dóro págánò ì kòfalésè. Di tágba ì kàdré àmi kì asíkì tà kònzi 'òma sè yà dhi, ì nì tà dóro mì dré adrélé 'òle dhi kì no gò,

[†] 2:7 2:7 A kònò Longó ì 118:22. [‡] 2:8 2:8 A kònò Esáyà 8:14.

ì dré Gĩká nì rú bhàzo kùle tà nda ì sè kítú dré dra atsázó dhi tú.

Ama ki bhàma àma ki kàdrì ì zàle, àma ki mírì ìbe dhi

¹³ Mírì nì tà sè dhi, mì kàdré àmi ki bha móndyá títi bhàle àmi drìle dhi ki rĩnyí zàle, kàdré ópí kàdrì adrélépi òpì nya àmi dri dhi 'ì yà,

¹⁴ kó ngalè gùvèrènerè 'ì yà dhi. Angyá ko, gùvèrènerè nda ì dhya ópí nda dré bhàle dhi 'ì, ì kàdréro tà ño móndyá adrèbhá tà kònzì 'o dhi ì dri, adrézó kpà móndyá adrèbhá tà dóro 'o dhi ki tà bha kuru.

¹⁵ Tàko ko, Gĩká adrè làá dhi, mì kàdré tà dóro 'o, kítswázó móndí azaaza tà nibhá ko dhi ki kúlí kíkí dhi bvó.

¹⁶ Mì kàdré atsílè ngóro móndí Gĩká dré trìle dhi ì tìni. Di, mì kàdré àmi ki trìma nda nì no ngóro tà adrélépi láti fe àmi dré adrézó tà kònzì 'o dhi ró ko. Be ró dhi, mì kàdré àmìkya tà 'o ngóro mārábà Gĩká àdhya ì tìni.

¹⁷ Mì kàdré móndyá títi dhi ki lindrì bha, adrézó àmi ki adrúpi ki le. Mì kàdré Gĩká nì ro, adrézó ópí kàdrì nì lindrì bha.

¹⁸ Àmi mārábà ro nì ì, mì kàdré àmi ki bha àmi ki mírì ki rĩnyí zàle lindrì sè wáyi. Mì kàdré 'òá kònnì ngbà 'í àyi adrèbhá togó ìbe dóro ìndì yàyà dhi ì véna ko. Mì kàdré kókpà 'òá kònnì àyi adrèbhá togó ìbe tòmbátòmba dhi ì véna.

¹⁹ Tàko ko, mì kàdré kizà nya tà gyágya sè ko gò, adrézó mvóá Gĩká nì tà sè dhi, kòdhi dóro Gĩká mĩlésè.

20 Di, à kàdré àmi ki tswa mì dré tà kònzi 'òle dhi sè gò, mì dré adrézó mvòá dhi, mì ni àdho tà dóro kisú ásà? Di, mì kàdré àmikya kizà nya mì dré tà dóro 'òle dhi sè gò, mì dré adrézó mvòá dhi, kòdhi dóro Gìká mìlésè.

21 Gìká azí àmi adrélé tà 'o kònini. Tàko ko, Krísto ni tàndi nya tá kizà àmi ki tà sè, mì kàdréro akódhi ni lebe, adrézó tà 'o akódhi àdhya tíni.

22 Akódhi 'o tá ína tàkonzì ko. Kúlí móndí ki litízó dhi apfò tá kpà akódhi sílésè àlomvá ko.Š

23 Móndí ì dré tá adrérà'a akódhi ni lodhá dhi 'á dhi, akódhi logó tá làdhá àyi tí ko. Ì dré tá adrérà'a akódhi ni rúbhá 'o aswálé dhi 'á dhi, logó tá kúlí aswaaswa àyi tí ko. Be ró dhi, bhà tá ì Gìká adrélépi tàbvó ta gyǎgya dhi drígá.

24 Akódhi ni tàndi do tá àma ki tàkonzì ì í rú fa kipakipa dri, mà kòdraró tàkonzì lésè gò, mà kàdréro lídrì íbe adrézó tà gyǎgya 'o. Làzí akódhi ni tswàzo dhi àdhya sè dhi, mì adrí dre.

25 Tàko ko, àmi tá ngóro kábilígyà avìbhá dhi ì tíni. Di, nyànomvá dhi, mì agò kábilígyà líkílépi, adrélépi kpà àmi ki lídrì líkí dhi vélé dre.

3

Tòkó ki tà àyi ki àgo íbe dhi

1 Àmi tòkó ì, mì kàdré kókpa àmi ki bha àmi ki àgo ì zàle. Di àmi ki àgo ki àruka ì kàdré Gìká ni kúlí ga rè dhi, mì ni kitswá àyi ki adrì Yésu ni ka'í àmi ki atsimá dóro dhi sè, àmi ki kúlí sè ko.

Š 2:22 2:22 A kònò Esáyà 53:9.

² Tàko ko, ì ni nòá ngalè mì adré atsílè togó lólo sè, adrélé Gìká ni lindrì bha ngíni ya dhi.

³ Lè àmi kí aveave kàdré tà mì dré adrélé 'òle àmi kí rúbhá sè dhi ì sè ko, kàdré àmi kí drìbhí tìma 'i yà, màyìkà ledélé órò sè dhi kí tosoma àmi rú dhi 'i yà, kó ngalè kítá aveave dhi kí tosoma àmi rú dhi 'i yà dhi.

⁴ Be ró dhi, àmi kí aveave kàdré ína tà dóro mì dré adrélé zùle àmi kí togó na dhi ì sè. Aveave nda aveave àmi kí togó yàyà ìndì lírì àdhyà, kítswálépi dràle bwà ko, ìndì adrélépi làgì ró Gìká mǐlésè dhi 'i.

⁵ Tàko ko, tòkó lólo atú adrébhá tá mǐ bha Gìká véna dhi ì adré tá àyì kí 'o avélé kònìni. Ì adré tá kpà drì asó àyì kí àgo ì kandrá.

⁶ Sàrà adré tá 'òá kònìni. Adré tá Abàramà ni kúlí yì, adrézó akódhi ni zì áyì mírì ro. Àmi Sàrà nda ni ànzitókó 'i, mì kàdré tà dóro 'o, adrézó àmi kí tayí adrélé ngá ro tà àlo sè ko dhi.

⁷ Àmi àgo ì, mì kàdré kókpà 'òá kònìni, adrézó àmi kí tòkó íbe dóro. Mì kàdré àyì kí tà yàyà tòkó kya ró dhi kí kisù, adrézó àyì kí lindrì bha. Tàko ko, mì ni lídrì Gìká dré lazílè áyì togó tani sè dhi ni kisú tàyílè ro tùmǎní àyì íbe. Mì kàdré 'òá kònìni, tà àlo kòkítswáro tà mì dré adrélé zìle Gìká tí dhi kí kíkí ko.

Kizà nyàma tà dóro 'òma sè dhi

⁸ Kùdù ro dhi, àmi tíí mì kàdré ngá àlo ró àmi kòfalésè, adrélé àmi kí adrúpi kí kizà do. Mì kàdré ru le àmi kòfalésè adrúpi ì tǐni, adrélé àmi kí togó dóro tadhá, adrézó àmi kí tà bha kǐní mi.

⁹ Mì kàdré tà kònzi logó tà kònzi 'òlè àmi rú dhi tí ko, adrézó kpà làdhá logó làdhá dhàlè àmi rú dhi tí ko. Be ró dhi, mì kàdré àmikya tà tani zi Gìkà tí móndí tà kònzi 'obhá àmi rú dhi ì dri. Tàko ko, Gìkà azí àmi adrélé tà 'ò kònini, mì kòkisúró tà tani dré lazilé àmi dré tàylilé ro dhi be dhi bvó.

¹⁰ Àngyá ko, Gìkà ni Kúlí adré tàá dhi:
«Lè dhya ángùdhi adrélépi leá lenzélé áyi lídrì sè, adrélépi kpà kítú dóro dhi ki le nòlè dhi,
kàdré áyi ti líkí kúlí kònzi ì sè, ìndì kinzò ì sè.

¹¹ Lè akódhi kàdzá áyi togó tà kònzi lésè adrézó tà dóro 'ò.
Kàdré tà kìdrìkìdri nda bhàlè móndí ì kòfalé togó wáyi sè.

¹² Tàko ko, Mírì ni mì móndyá adrèbhá tà gyágya 'ò dhi ì dri.
Adré kpà bíbhálé ga tà ì dré adrélé zìlè í tí dhi ki yìzo.

Dì, adré ína àmvò alá móndyá adrèbhá tà kònzi 'ò dhi ì rú.»*

¹³ Àmi ki togó kàdré àtsi ró adrélé tà dóro 'ò dhi, àdhi ni àmi ki 'ò kònzi dhi nì?

¹⁴ Dì, tágba mì kàdré kizà nya mì dré adrélé tà gyágya 'ò dhi sè yà dhi, Gìkà ni tà tani bha àmi dri. Mì kàdré ngá ro tà móndí ì dré adrézó ngá ro ásà dhi ì sè ko. Mì kòtayí kpà àmi ki togó adrélé lanzìlè ko.†

¹⁵ Be ró dhi, àmi ki togó na dhi, mì kòbhà Krísto twá adrélé àmi ki Mírì ro. Mì kàdré ngbú adrélé

* **3:12** 3:12 A kònò Longó ì 34:13-17. † **3:14** 3:14 A kònò Èsáyà 8:12.

gànzi ró tà mì dré adrézó mǐ bha ásà dhi ni àndu ngi, dhya ángùdhi adrélépi tà nda ni lizí àmi tí dhi dré.

¹⁶ Dì, mì kàdré 'òá togó yàyà sè, ìndì lindrì sè. Mì kàdré àmi kì togó líkí adrélé lólo, kitswálé móndyá adrébhá àmi kì rú ta kònzì tà dóro mì dré adrélé 'òle Krísto ni tà sè dhi i sè dhi, ì kàdréro kanyò ro kúlí kònzì ì dré adrélé tàle àmi rú dhi i sè.

¹⁷ Àngyá ko, mì kàdré kizà nya mì dré adrélé tà dóro 'o dhi sè gò, Gìká dré lèzoá kàdré kònzì dhi, kòdhi dóro lavulé mì dré adrélé kizà nya mì dré adrélé tà kònzì 'o dhi sè dhi rúsè.

¹⁸ Tàko ko, Krísto ni tàndì nya tá kizà ngbà 'í yèsè àlo móndí kì tàkònzì kì tà sè. Akòdhi gyágya ró nda drà móndyá gyágya ko dhi kì tà sè, kitswálé àmi kì adrì Gìká véle dhi bvó. A pfu tá akòdhi ni rúbhá dràle gò, dré gòzo adrìlé Tírí Lólo ni rǐnyí sè.

¹⁹ Dì Tírí Lólo nda sè dhi, akòdhi dré kpà lizo Gìká ni kúlí longó tìrì 'ìle bádzó na dhi i dré.

²⁰ Ayì nda i tá móndí atú ligíbhá Gìká rú lókyá Nówè dré tá adrérà'a bwátù kàdrì dhi ni ledé, ìndì Gìká dré adrérà'a tà letè togó vwàvwà sè dhi 'á dhi 'i. Bwátù kàdrì nda na dhi, móndí bí ko, ngbà 'í móndí nzi-drì-na dhi ì adrì tá yǐ liti sè dhi àyi.

²¹ Yǐ nda adré bàtísimò ni tà tadhá kòdhya. Dì nyànomvá dhi, bàtísimò nda adré àmi kì tidrì nì. Adré àmi kì tidrì, àmi kì rúbhá dzìma sè ko, be ró dhi, mì dré adrélé longóá dhi, mì adzá àmi kì togó Gìká véle dre dhi sè. Adré àmi kì tidrì, Yésu Krísto ni ngàma dràdrà 'ásè dhi sè.

²² Akódhi nda mbà bhù na gò, adrélé Gĩká ni driágo lése. Kònàle dhi, ángéló ì, ópí kàdrì ì, tsàle rìnyí íbe dhi ì akódhi ni rìnyí zàle.

4

Atsima ngóro Gĩká dré adrélé lèle dhi t́ni dhi

¹ Dì Krísto dré kizà nyàle rúbhá na dhi sè dhi, mì kàdré kókpà tà kisù akódhi àdhya t́ni, adrézó gànzi ró adrélé kizà nya kònini. Tàko ko, dhya ángùdhi kizà nyàlepi rúbhá na dhi tayí tàkonzì 'òma dre.

² Asà dhi, dhya nda kitswá gòle áyi lókyá àmbí bvò kònìdhi dri dhi ni fe, adrézó lovó kònzì áyi rúbhá àdhya ki 'o dhi ko. Be ró dhi, adré áyi fe adrélé tà Gĩká dré adrélé lèle í kò'o dhi ki 'o kòdhya.

³ Tàko ko, wáláká dhi, mì kizá tá àmi ki lókyá b́, adrézó tà pàgánò ì dré adrélé lèle 'òle dhi ki 'o. Mì adré tá tatsilé tà swà 'obe, lovó kònzì ki bhabe, wá tsibe, gwányá wàyá ki tà 'obe, ìndì gĩká tàko ki lindrì bhabe, tágba tà nda ì dré tá adrézó kònzì lavulé Gĩká mìlésè dhi.

⁴ Dì nyànomvá dhi, pàgánò nda ki lindrì adré gàle, mì dré adrélé tatsilé àyi íbe tà swà nda ki 'obe ko dhi sè gò, ì dré adrézó àmi ki lodhá.

⁵ Dì, ì ni àyikya tà ì dré adrélé 'òle nda ki ta Gĩká adrélépi gànzi ró móndyá tíí lídrì ro ìndì dràbhá dre dhi ki tàbvó ta dhi kandrá.

⁶ Tà nda sè dhi, à longó tá ndìndì Rúbí Tani móndyá dràbhá dre dhi ì dré. Dì tágba Gĩká dré àyi nda ki tàbvó tàzo tà ì dré 'òle rúbhá na dhi

i sè mónnyá tíí dhi kya tíni dhi, ì ni kitswá lídrì Gíká àdhyà ni kisú Tírí Lólo na.

⁷ Tà tíí dhi kì kùdù atsa ànyì dre. Dì ásà dhi, mì kàdré tà 'o tògyá sè, adrézó àmì kì tà kisùle dhi kì likí, mì kàdréro tà zi Gíká tí be dhi bvó.

⁸ Lavulé dhi, mì kàdré ru le àmì kòfalésè togó wáyi sè. Tàko ko, lèle adré ína tàkonzì zyandre dhi kì zu.

⁹ Mì kàdré àmì kì adrúpi kì ka'í dòle àmì véna togó dóro sè, ngùrùngùrù sè ko.

¹⁰ Àmì àlo àlo tíí dhi ì, mì kàdré tà 'o àmì kì adrúpi ì dré, tà tani mì dré kisulé Gíká ni togó tani sè dhi sè. Mì kàdré 'òá ngóro móndí Gíká dré tà tani twátwa dhi kì bhàzo àyi drígá dhi ì tíni.

¹¹ Dhya àlo kàdré kúlí longó dhi, kàdré kúlí adrébhá angálé Gíká vélésè dhi kì longó kòdhyà. Dhya àlo kàdré tà 'o móndí ì dré dhi, kàdré 'òá rìnyí Gíká dré adréle fèle drá dhi sè. Mì kàdré dì tà tíí dhi kì 'o, móndí ì kàdréro Gíká ni rú bha kùle Yésu Krísto sè be dhi bvó. Mìlanzilanzì ì rìnyí be dhi ì kàdré akódhi dré kóná vésè kólyá! Kàdré kònini.

Kizà nyàma Krísto ni tà sè dhi

¹² Àma arúpi má dré lèle tò ni ì, lè àmì kì líndrí kàdré gale, tà kizà ro adrébhá àmì kì tabhì dhi kì tà sè ko. Mì kàdré kpà tà nda kì no ngóro tà twá atsábhá àmì rú dhi ì ró ko.

¹³ Be ró dhi, mì kàdré àmìkya lenzélé mì dré adréle kizà nya Krísto àdhyà tíni dhi sè, akódhi kònì dra apfò áyi mìlanzilanzì na dhi, mì kòkitswáro vélé lenzélé lavulé arí be bǐ be dhi bvó.

14 A kàdré àmi ki lodhá Krísto ni rú ni tà sè dhi, Gìká ni tà tani bha àmi dri. Tàko ko, Gìká ni Tírí mĩlanzĩlanzĩ ró dhi adré adrélé àmi léna.

15 Dì, mì kàdré kizà nya dhi, lè mì kàdré nyàà mì dré adrélé móndí tupfúbhá i ró yà, kùgubhá i ró yà, tà kònzi 'obhá i ró yà, kó ngalè móndí tífíbhá móndí ki tà i 'àsè dhi i ró yà dhi sè ko.

16 Dì, mì kàdré kizà nya mì dré adrélé Krísto ni ka'ibhá i ró dhi sè dhi, mì kàdré àmikya kanyò ro tà nda sè ko. Be ró dhi, mì kàdré Gìká ni rú bha kùle, mì dré Krísto ni rú nda ni ka'ile dòle dhi sè.

17 Tàko ko, lókyá tàbvó tàzo dhi kitswá dre. A ni rè zyà móndyá Gìká àdhya ki tàbvó ta drĩdrĩ. Dì tàbvó tàma nda kòkidhó àma rú dhi, móndyá Gìká ni Rúbí Tani gabhá rè dhi kya ni dì véle adré ngíni?

18 Ngóro tisìle Gìká ni Kúlí na dhi tĩni:
«Móndí àlo gyàgya dhi ni adrima kàdré kòkóròko dhi,
móndyá Gìká ni tà gabhá rè dhi ki tà tàkonzìbhá ìbe dhi ni dì véle adré ngíni?»*

19 Asà dhi, lè móndyá adrèbhá kizà nya ngóro Gìká dré adrélé lèle dhi tĩni dhi, ì kàdré àyi ki bha Gìká àyi ki bhàlepi dhi drígá, adrélé tà dóro 'o. Tàko ko, Gìká nda kitswá adrélé ka'ile togó wáyi sè.

5

Bhàgo ki tà kàdhúra ìbe dhi

* 4:18 4:18 A kònò Tògyakúlí 11:31.

1 Bhàgo Ekèlézyà àdhyà àmi kòfalé dhi i dré dhi, má adrè tà ta kònini. Ma kókpa bhàgo 'i àmi tíni. Ma dhyà Krísto ni kizà nyàle dhi ki nobhá mǐ sè dhi ki àlo 'i, ìndì mónnyá dra Giká ni mǐlanzìlanzì dré dra tadhálé dhi ni kisúbhá dhi ki àlo 'i. Di má adrè àmi ki kodzó,

2 mì kàdréro kábilígyà ki pǎrí Giká dré bhàle àmi drígá dhi ki likí, ngóro kábilígyà likíbhá dóro dhi i tíni. Mì kàdré àyi ki drǐ ko dóro. Di, mì kàdré 'òá kònini ngóro tòlí bhàle àmi dri dhi tíni ko. Be ró dhi, mì kàdré 'òá togó dóro sè, ngóro Giká dré adréle lèle dhi tíni. Mì kàdré 'òá làfa lovó sè ko, be ró dhi, àmi ki togó dré adréle àtsi ró tà nda sè dhi sè.

3 Mì kàdré òpì nya kábilígyà bhàle àmi drígá nda i dri rǐnyí sè ko. Be ró dhi, mì kàdré àmikya tà dóro 'o àyi kòfalé, ì kàdréro tà no àmi rú, adrézó 'òá àmikya tíni.

4 Di lókyá kábilígyà likíbhá ki kàdrì dré dra apfòzo dhi tú dhi, mì ni kùlá mǐlanzìlanzì ro, lagulagu ni dré kitswázó akílé bwà ko dhi ni kisú.

5 Àmi kàdhúra i, mì kàdré kpà àmi ki bha màlìga i zàle. Àmi títi, mì kàdré àmi ki tà bha kǐní mi. Tàko ko, Giká ni Kúli adrè tàá dhi:

«Giká adrè ru pfu mónnyá drìkàdrì ro dhi íbe. Di, adrè ína àyi togó tani bha mónnyá adrébhá àyi ki tà bha kǐní mi dhi i rú.»*

6 Di ásà dhi, mì kàdré àmi ki bha Giká ni drígá rǐnyì ró dhi zàle, kòtingáro àmi kuru lókyá kitswálépi dhi sè be dhi bvó.

* 5:5 5:5 A kònò Tògyakúli i 3:34.

⁷ Mì kàdré tà títi adrèbhá àmi ki togó 'o lanzìle dhi ki bha Giká drígá. Tàko ko, akódhi adrè àmi ki tà kisù nì.

⁸ Mì kàdré àmi ki tà kisùle dhi ki likí, adrézó tàmiiga dri. Tàko ko, àmi ki kàribhá, Dzáborò adrè tatsílè kàndrìbe kàmì tíni, adrélé móndí nda nyàle.

⁹ Mì kàdré di pá si akódhi kandrà, adrézó àmi ki totó tātā àmi ki tà ka'ika'ì na. Tàko ko, mì nǐ tàle dhi, àmi ki adrúpi bvò wǎyi 'àsè dhi ì adrè kpà kizà nya làsú be àmikya tíni dhi be.

¹⁰ Di mì kònya kizà lókyá tsà sè dre dhi, Giká ni tàndi adrélépi áyi togó tani tadhá tà títi ì sè dhi ni àmi ki 'o kitswálé títi, àmi ki timbàzo, àmi ki 'òzo àmi ki totó tātā àmi ki tà ka'ika'ì na. Tàko ko, akódhi nda azi àmi kitswálé áyi mìlanzilanzì adrélépi kóná vèsè kólyá dhi ni kisú Yésu Krísto na.

¹¹ Rìnyí kàdré akódhi dré kóná vèsè kólyá! Kàdré kònìni.

Mòdo kùdù

¹² Áma adrúpi Sílà má dré adrélé ka'ile togó wǎyi sè dhi, bhà drígá má vélé wárágà kònìdhi ni tisìzo.† Di má tisì wárágà mvá kònìdhi àmi ki kodzózó, ìndì tadházóá àmi dré dhi, mì adrè tròle Giká ni togó tani rú bàti dhi.

¹³ Ekèlézyà Bàbìlónà le Giká dré zìle àmi tíni dhi fè mòdo àmi dré.‡ Áma mvá, Márokò fè kpà mòdo àmi dré.

† **5:12** 5:12 Giká ni Kúlí tisìle Gírìkì ti sè dhi léna dhi, à adrè rú «Sílùwánò» kisú kònwa. Rú nda tá rú àzya Sílà dré dhi ì. ‡ **5:13** 5:13 Á adrè kisúá dhi, «Bàbìlónà» kònìdhi adrè Rómà, bhàandre kàdrì Rómà ki òpè àdhyà ni tà ta kòdhyà.

14 Àmì ró dhi, m̀ k̀f̀è m̀do adr̀zó ru kamú
à m̀ k̀falésè l̀le s̀.
Tà k̀dr̀k̀dr̀ k̀dr̀é à m̀ tí tí adr̀bhá Kr̀sto na
dhi ì dr̀é!

BÚKÙ TÀ TÍDHÍ//RU YÌZO DHÌ ADHYA
Logoti (Logo): BÚKÙ TÀ TÍDHÍ//RU YÌZO DHÌ ADHYA
New Testament

copyright © 2015 Wycliffe Bible Translators, Inc.

Language: Logo

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 1 Oct 2024 from source files
dated 29 Jan 2022

942af0a0-42ea-5477-8f1a-fed39823f32b